

XXIV. BVXENTVM (*Policastro*). *Tribu Pomptina*.

Ποξοῦς Graece (Strabo 6, 1, 1 p. 253; Diodor. 11, 59; Plinius 3, 5, 72: *oppidum Buxentum, Graeciae Pyxus*; in nummis antiquissimis est Ποξοῦς iunctum cum vocabulo Σιρῖνος), Latine Buxentum (*Buxantium* Mela 2, 4, 69; Βούξεντον Ptolemaeus 3, 1, 8; *Buxentini* tituli n. 453. 482) urbs dicta quando Romanorum facta sit, ignoramus, nec multum tribuimus Silio 8, 585 inter populos Italiae Romanos contra Hannibalem adiuvantes numeranti Buxentiam pubem. Hoc primum eorum annales de Buxento tradunt de colonia eo deducenda legem latam esse a. u. c. 557, deductam esse eam coloniam post triennium a. 560. Scilicet statim post bellum Hannibalicum finitum cum universam oram Campanam perpetuae tutelae causa occupare placuisset coloniis quattuor Volturnum Liternum Puteolos Salernum deductis, his adiectum esse in

Lucania Buxentum; trecenas familias in singulas colonias missas esse; tresviros deduxisse M. Servilium Geminum, Q. Minucium Thermum, Ti. Sempronium Longum (Liv. 32, 29. 34, 42. 45; Vell. 1, 15). Eam coloniam cum mox desertam repperissent magistratus eo profecti, novi coloni adscripti sunt a. u. c. 568 (Liv. 39, 23). Pauci qui supersunt tituli declarant et ipsi rem publicam ibi fuisse eamque rectam a duoviris (n. 461).

Praeter auctores supra nominatos commemorari potest hoc loco Palearcastren. dioeceseos historico-chronologica synopsis . . . Nicolai Mariae LAVDISII . . . iussu confecta (Neapoli 1831. 8. pp. 111); habet tamen titulos non alios atque vulgares.

459 [= 80] Policastri in turri campanaria.

AVGVSTAE · IVLIAE  
DRVSI · F  
DIVI · AVGVSTI

Filonardianus liber f. 95; Mannelli ms. 2, 148 (inde Romanelli topogr. 1, 373); Antonini p. 419 ed. 1, I, 418 ed. 2; Laudisius Paleocastr. dioec. synopsis (1831) p. 105. Orelli 662.

1 AVGVSTAE · IVLIAE Fil., AVGVSTA · ET · IVLIA Mann., AVGVSTAE · IVLIAE Ant. Laud. — 3 ... DIVI · AVGVSTI... Mann. — Apud Mannellium contaminata est cum n. 460.

460 [= 81] Policastri MANN. in turri campanaria FIL. ANT. In Lucania MAFF.

GERMANICO · CAESARI  
TI · AVGV · F · DIVI · AVGV · N  
DIVI · IVLI · PRO · N · AVGV  
COS · Π · IMPERATORI · Π

Filonardianus liber f. 95; Mannelli ms. 2, 148 (inde Romanelli topogr. 1, 373); Antonini p. 419 ed. 1, I, 418 ed. 2; Maffei M. V. 353, 2 (ex eo Donat. 97, 11); Laudisius Paleocastr. dioec. synopsis (1831) p. 104. Orelli 656. 662.

Vv. divisi ad Mann. Ant. Laud. — In vv. extremis puncta ponit Ant. — 2 TI om. Ant. — N]H Fil. — 3 IVLIH Ant. Maff. — 4 COS · Π] COS Maff. — IM · PERATORI · Π Fil. Mann. Maff. Laud., IMPERAT Ant. — Apud Mannellium adhaeret n. 459.

461 [= 82] cippus quadratus alt. palm. 4, Sapri prope Policastrum nuper rep. ANT. (1745). In medio plateae LAVD.

D · M  
L · SEMPRONO  
L · F · POM · PRISCO  
AED · DVOVIR  
5 DES · V · A · XXV  
MEN · VII  
SI · NON · ANTE · DIEM  
CRVDELIA · FATA · FV  
ISSENT · HIC · PATER · ET  
10 MATER · DEBVIT  
ANTE · LEGI

Antonini *lett. all' Egizj* (1750) p. 133, Lucania p. 435 ed. 1 a. 1745 (ubi tamen citantur epistulae illae pagina adiecta), I, 434 ed. 2; A. S. Mazochi *syll. ms. a principe della Scalea*; Laudisius Paleocastr. dioec. synopsis (1831) p. 62.

Vv. divisi ad Maz. — 5 DES] DESIIT Laud. — 11 TEGI Ant. (*lett.*)

XXV. VELIA (*Castellamare della Bruca prope Pisciotlam*).

Ἐλέη (quam formam nummi solam norunt inscripti fere Ἐλεῖτων, auctores quoque habent optimi quique) sive Ἐλέα Graecis (Strabo 6, 1, 1 p. 252: οἱ μὲν πλείοντες Φωκαεῖς Ἐλέην, οἱ δὲ Ἐλεῖται . . ., οἱ δὲ νῦν Ἐλέαν ὀνομάζουσιν) itemque Latinis tum cum litteras magis quam vitam quotidianam respiciunt (sic Cicero de d. n. 3, 33, 82 ait *Zenonem Eleae in tormentis necatum*), ibi vero ubi de suae aetatis statu cogitant Latinis semper *Velia* (ita inter alios Cicero Verr. 1, 2, 40, 99. 5, 17, 44; ad fam. 7, 20; ad Att. 16, 6, 1; Vergilius Aen. 6, 366 [359]; Vell. 2, 79; Mela 2, 4, 69; Plinius 3, 5, 71: *oppidum Elea quae nunc Velia*; Stephanus s. v. ἡ νῦν Βελέα; Οὐελέαι Ptolemaeus 3, 1, 8; item in titulis Eburino n. 453 et Paestano n. 482) dicta urbs a Phocaeensibus condita sola fuit in ora maris superi Lucana, quae Graeca semper manserit (Strabo l. c.: καὶ πρὸς Λεοκανοῦς ἀντέσχον καὶ πρὸς Ποσει-

δωνιάτας καὶ κρείττους ἀπήεσαν). A Romanis Velienses mature foedus optimi iuris impetraverunt, secundum quod iis ut reliquis urbibus Graecorum foederatis ius fuit non viris, sed navibus rem Romanorum adiuvandi (Polyb. 1, 20, 14; Liv. 26, 39, 5) et Graecum Cereris sacerdotium in urbe constitutum cum sacerdotes natione Graecas requireret, eae Neapoli fere aut Velia adsumebantur civitate Romana ob eam ipsam causam donatae (Cicero pro Balbo 24, 55). Bello Italico Velienses ad civitatem pervenisse Cicero l. c. significat. De territorio eorum liber coloniarum p. 209 *Veliensis (praefectura)*, ait, *actus n. XVI per XXV*. — Titulos ex Velia habemus cum Graecos aliquot (C. I. Gr. 5778 c p. 1253; Antonini Luc. p. 316. 320 ed. 1) tum Latinos infra editos perpaucos, quorum tamen unus n. 462 ostendit Veliam municipium fuisse; nominantur enim quattuorviri.

462 [= 84] Veliae rep. 1828 cum quinque aliis Latinis et septendecim Graecis titulis.

D · M  
C · SEXTILIO · OP  
PIO · IIII VIR · QQ  
V · A · L · CLAVDIA · PO  
5 TITA · CONIVGI · CA  
RISSIMO

Edidit Capialdi in ephemeridibus Reginis q. d. *Fata Morgana* 15 Iul. 1839 num. I ann. II. Accepi praeterea a Schnarsio medico Neapolitano.

3 VIROQ Schnars. — 4 V · AE · Schn., pec Vn ALim Capialdi. — 5 TIT Cap. — 6 om. Schnars.

Veliae tituli rep. cum n. 462.

463 [= 85] GALIMORPHVS  
464 [= 86] H E D I L I O  
465 [= 87] TATO CONIVGI . . .

Ed. Capialdi l. c.